

II

terpretatio, quæ hæctenus in Ecclesia orthodoxa recepta, nec ab ullo orthodoxorum è versione Lutheri vel expuncta est, vel in ea mutata aut correcta?

Quiq; in hoc themate) Docere & demonstrare, quod hæc, de qua contendimus, nuptiarum species à Mose non sit prohibita, si Papismus est, tùm plures orthodoxi Doctores sunt Papistæ. Si nos Papismi defensi & interpolati laudem in hoc themate quærimus aut captamus: Quid laudis captarunt orthodoxi Theologi & Jcti eandem juxta nobiscum foventes opinionem? Ut ingenuè dicam, quod sentio; Maximè indoleo, tantâ ferociâ tantaque immodestiâ hanc rem ex adverso agi, quam incomparabilis Theologus Balthasar Mentzerus senior tantâ cum circumspèctione & modestia tractavit, cùm dixit, se modestè dissentire ab ea sententia, quam magni nonnulli foveant Theologi, scilicet à DEO non esse prohibitum hoc matrimonium. *Respons. nassr. nu. 237.* Fortan & magni illi Theologi ex Papismi defensione laudem, & in mustaceo laureolam quæsierunt. Apage!

Apostolum quem cæli) Hoc loco nos inculat dedicatio Havemanni, ac si nobis tribuamus officium ac munia Apostolorum, Prophetarum, & facultatem loquendi linguis atq; interpretandi scripturam. Nelcio an ingenuè, & ex animo! Optandum esset cum viro DEI Mose, utinam totus populus Jehovæ essent Prophetæ, indente Jehovah spiritum suum illis. *Numer. cap. XI. vs. 29.* Ita verum foret quod ironicè adserit dedicatio, omnes esse Prophetas. Et fortè nobis etiam de istis donis, quæ soli suo auctori tribuere videtur dedicatio, aliquid relinqueretur. Nilominus speramus Dn. Havemannum nos non ire damnatum Anabaptistas, & Fanaticos ex hac causa, quod sacra biblia eorumq; versiones & interpretationes à viris se fortè nec inferioribus nec rudioribus nobis relictas in Ecclesia DEI receptas legere, intelligere & ex illis rectè colligere didicimus. Hoc autem neq; ad Apostolorum munus, neque ad spiritus Propheticos, neq; ad dona loquendi linguis & interpretandi sacra DEI dogmata pertinet. Quamvis dona legendi, intelligendi & ex intellectis rectè colligendi ab eodem DEI spiritu procedant, à quo reliqua, per textum ex adverso citatum. *1. Corintb. cap. XII. vers. 4. seqq.* Equidem DEO opt. max. gratias, prout decet, habemus maximas pro minoribus illis à se in nos collatis donis, majora aliis neq; invidentes neq; exprobrantes, memores Christianam charitatem id vel maximè prohibere in textu ex adverso citato proximo. *1. Corintb. cap. XIII. vers. 4. seqq.*